

# შპს „ნიავი“

ს/კ 230040808 ; ქ. ზესტაფონი, სტაროსელსკის ქ. №217 ; ტელ.: 5 51 88 83 33 ; E-mail: mabzloladze@gmail.com

„-31-“, „-მარტი-“, 2022 წელი

გარემოს დაცვისა და სოფლის მეურნეობის სამინისტროს

გაცნობებთ, რომ შპს „ნიავი“-ს ზესტაფონის მუნიციპალიტეტის სოფ. პირველი სვირის ტერიტორიაზე, ფ/პ გივი დეკანოიძისაგან იჯარით აღებულ არასასოფლო-სამეურნეო მიწის ნაკვეთზე (ნაკვეთის კოდი 32.11.32.395) (დანართი 1 და 2) დაწყებული აქვს ქვიშა-ხრემის სამსხვრევის აღდგენა.

აღნიშნულ მიწის ნაკვეთზე 2017-2020 წლებში ფუნქციონირებდა შპს „ალპედე“-ს ქვიშა-ხრემის სამსხვრეე-დამხარისხებელი საწარმო, რომლისთვისაც შემუშავებული და 2017 წლის 07 აპრილს სამინისტროსთან შეთანხმებული ჰქონდა ატმოსფერული ჰაერის დაბინძურების წყაროების და მათ მიერ გაფრქვეულ მავნე ნივთიერებათა ინვენტარიზაციის ტექნიკური ანგარიში.

2020 წელს საწარმოს ტერიტორია გადაკვეთა სახელმწიფო ელექტროგადამცემი სისტემის 220 კვ ე.გ.ხ. „სურამი“-ს გადამცემმა ხაზმა. ობიექტის ინფრასტრუქტურის ნაწილი მოხდა სახელმწიფო ელექტროსისტემის გადამცემი ხაზების გასხვისების ზოლში, მაღალი ძაბვის სადენების ქვეშ. სახელმწიფო ელექტროსისტემების სამმართველოს მოთხოვნით განხორციელდა სამსხვრეე-დამხარისხებელი ხაზის დემონტაჟი.

მიწის მფლობელის მიერ, დაიწყო არსებული საწარმოს ტექნოლოგიური დანადგარების ნაწილის სხვა ადგილზე გადამონტაჟება.

რადგან ბუნებრივი რესურსების გადამუშავება შედის საქართველოს კანონის „გარემოსდაცვითი შეფასების კოდექსი“-ს II დანართის 5.1 პუნქტში, მემვიდე მუხლის შესაბამისად ექვემდებარება სკრინინგის პროცედურას კომპანიის მიერ შემუშავებული და 2021 წლის 22 დეკემბერს სამინისტროში წარმოდგენილი იყო სკრინინგის განცხადება.

სამინისტროს მიერ 2022 წლის 12 იანვრის N206/01 წერილით (დანართი 3) გვეცნობა, რომ „სკრინინგის განცხადებაში წარმოდგენილი უნდა იყოს „ელექტრული ქსელების ხაზობრივი ნაგებობების დაცვის წესისა და მათი დაცვის ზონების დადგენის შესახებ“ საქართველოს მთავრობის 2013 წლის 24 დეკემბრის N366 დადგენილებით განსაზღვრული ნორმებთან თავსებადობის ინფორმაცია და საქართველოს სახელმწიფო ელექტროსისტემის პოზიცია მითითებულ ტერიტორიაზე დაგეგმილი საქმიანობის განხორციელებასთან დაკავშირებით.“

აღნიშნულის შესახებ ჩვენს მიერ ეცნობა საქართველოს სახელმწიფო ელექტროსისტემების გენერალურ დირექტორს და მათი 2022 წლის 09 თებერვლის N481/05 წერილის (დანართი 4) საფუძველზე დაკორექტირდა ქვიშის სამსხვრევი ხაზის განთავსების ადგილი ისე, რომ სეგბ დაცვის 25 მეტრიან ზონაში არ მოხდება დანადგარების განთავსება და ტექნოლოგიური



პროცესის წარმართვა. მკვებავი ბუნკერი და ყბებიანი მსხვრევანა დაცვის ზონის საზღვრიდან დაშორებული იქნება 15 მ-ზე მეტი მანძილით (განთავსების კოორდინატები X-332576 ; Y-4665160), მაღალი ძაბვის განაპირა ხაზიდან კი 40 მ-ით. ანალოგიური მანძილით იქნება დაცილებული ლენტური ტრასპორტიორი. ხაზის დაცვის ზონაში არ მოხდება მანქანა მექანიზმების გადაადგილება. საწამოს ტერიტორიაზე ტრანსპორტის შესვლა და გამოსვლა მოხდება ტერიტორიის სამხრეთიდან, ისე რომ შეხება არ ექნება დაცვის 25 მ-ან ზონასთან.

საქართველოს სახელმწიფო ელექტროსისტემების 15.03.2022 წლის N1111/05 წერილით (დანართი 5) განისაზღვრა პირობები, რომელთა შესრულების ვალდებულების შემთხვევაში, სსე წინააღმდეგი არ არის განხორციელდეს N32.11.32.395 მიწის ნაკვეთებზე სამსხვრევი საწარმოს მშენებლობა ჩვენს მიერ გაგზავნილი კოორდინატების მიხედვით.

სამინისტროს 2022 წლის 12 იანვრის N206/01 წერილის მე-2 მუხლის პასუხად გაცნობებით, რომ ქვიშა-ხრემის მსხვრევა მიმდინარეობს მშრალი მეთოდით, ხოლო წყალი გამოიყენება მხოლოდ ტერიტორიის დასანამად ქარიან და ცხელ დღეებში. ინფორმაცია შეტანილია სკრინინგის განაცხადში.

ყოველივე ზემოაღნიშნულის გათვალისწინებით შემუშავებული იქნა განახლებული სკრინინგის განაცხადება.

წარმოგიდგინებ ზემოაღნიშნულ განაცხადს. გთხოვთ, განიხილოთ და მიიღოთ გადაწყვეტილება საქმიანობის გარემოზე ზემოქმედების შეფასებისადმი დაქვემდებარების შესახებ.

დანართები:

1. ამონაწერი საჯარო რეესტრიდან;
2. იჯარის ხელშეკრულება;
3. სამინისტროს 2022 წლის 12 იანვრის N206/01 წერილი;
4. საქართველოს სახელმწიფო ელექტროსისტემების 2022 წლის 09 თებერვლის N481/05 წერილი;
5. საქართველოს სახელმწიფო ელექტროსისტემების 15.03.2022 წლის N1111/05 წერილი;
6. სკრინინგის განაცხადი და განაცხადის ელ. ვერსია;

პატივისცემით  
გივი დეკანოიძე  
დირექტორი

